



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

RESOLUCIÓN DA ALCALDÍA.-

Asunto: Convocatoria prazas Lousame Concilia curso escolar 2026/27.

Expediente: 2026/G003/000429.

Expediente convocatoria prazas: 2026/S012/000004.

Vista a necesidade deste Concello de prestar o servizo Lousame Concilia, de atención e coidado de menores fóra dos períodos e horarios escolares, para facilitar a conciliación familiar e laboral das familias de Lousame.

Por medio da presente,

DISPOÑO:

1º.- Aprobar a convocatoria de 20 prazas, para menores de 3 a 16 anos, no Servizo Lousame Concilia do período lectivo do curso 2026/27. O servizo prestarase nos días lectivos de 7:30 a 9:00, en instalacións do CPIP Cernadas de Castro.

2º.- Establecer como prazo de inscrición o período que vai do 8 ao 15 de xullo, ambos incluídos. O impreso de solicitude, que se pode descargar da páxina web municipal, presentarse no Rexistro Xeral municipal xunto coa documentación obrigatoria e aquela outra documentación necesaria para acreditar a situación socioeconómica da unidade familiar que a persoa solicitante indique na súa solicitude. Aquelas familias que solicitasen praza no Concilia Verán, xa non terían que achegar a documentación que obre en poder do Concello, excepto a documentación referida á renda, xa que neste caso deben presentar a declaración do IRPF do exercicio 2025.

3º.- Tras o período de inscrición, se o número de solicitudes non supera ao número de prazas ofertadas, publicarase a lista definitiva de solicitudes admitidas no taboleiro de anuncios da sede electrónica.

4º.- No caso de que a demanda supere a oferta de prazas terán preferencia as solicitudes de menores empadroados no concello como mínimo cun dos proxenitores cunha antigüidade de máis dun ano, tras o cal, de ser necesario, levarase a cabo a valoración das solicitudes coa aplicación dos criterios establecidos na *ORDE do 22 de xaneiro de 2026 pola que se establecen as bases reguladoras das subvencións do Plan Corresponsables en Galicia dirixido a entidades locais e se convocan para o ano 2026 (código de procedemento SI436A).*

Será criterio de valoración preferente no acceso ao servizo o nivel de renda per cápita das unidades familiares solicitantes, salvo casos debidamente xustificadas de necesidade inmediata de prestación do servizo.

Unha vez ordenadas as solicitudes por orde crecente de renda per cápita das unidades familiares, no caso de empate, terán preferencia no acceso ao servizo os seguintes colectivos:





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

- Familias monoparentais.
- Mulleres vítimas de violencia de xénero e doutras formas de violencia contra as mulleres.
- Persoas con discapacidade.
- Persoas en risco de exclusión social.
- Persoas solicitantes de asilo internacional ou con estatuto de refuxiado/a.
- Unidades familiares nas cales existan outras responsabilidades relacionadas cos coidados de familiares ou persoas dependentes ao seu cargo.

Tales circunstancias acreditaranse documentalmente na seguinte forma:

criterios de valoración preferente no acceso ao servizo	Documentación a presentar
Nivel de renda per cápita das unidades familiares solicitantes	Libro de familia ou documento equivalente que acredite o nº membros que compoñen a unidade familiar. Declaración do imposto sobre a renda das persoas físicas 2025, ou, á falta desta, un certificado tributario de imputación de rendas dos membros computables da unidade familiar
Familias monoparentais	Certificado de monoparentalidade emitido pola Xunta de Galicia
Mulleres vítimas de violencia de xénero e doutras formas de violencia contras as mulleres	Documentación xustificativa da situación de violencia de xénero no ámbito familiar, conforme á normativa vixente.
Persoas con discapacidade	Certificado acreditativo emitido polo órgano da Administración correspondente.
Persoas en risco de exclusión social	Informe dos servizos sociais ou do órgano equivalente do concello onde resida a familia.
Persoas solicitantes de asilo internacional ou con estatuto de refuxiado/a.	Documentación xustificativa da situación, conforme á normativa vixente.
Unidades familiares nas cales existan outras responsabilidades relacionadas cos coidados de familiares ou persoas dependentes ao seu cargo.	Informe dos servizos sociais ou do órgano equivalente do concello onde resida a familia.

De non quedar suficientemente acreditada a situación socioeconómica da unidade familiar, indicada pola persoa solicitante no impreso de solicitude, o concello poderá requirir que aporten outra documentación.

5º.- Tras a valoración das solicitudes publicarase no taboleiro de anuncios da sede electrónica e na páxina web municipal unha lista provisional de solicitudes admitidas e pendentes en lista de espera. Transcorrido un prazo de tres días hábiles para a presentación de alegacións, publicarase a lista definitiva. A lista de espera xestionarase para cubrir posibles baixas definitivas, seguindo a orde de admisión.

6º.- A prestación do servizo iniciarase o mércores 9 de setembro.

Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Asinado en Lousame, por medios electrónicos, polo Alcalde, Esteban Ares García; do que eu, Paula Ares Otero, como secretaria e para os únicos efectos de fe pública, dou fe (R.D.128/2018, do 16 de marzo).



Documento asinado electronicamente, pódese validar a sinatura co código indicado na marxe na <https://sede.lousame.es>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).